

Oqaluuserisassanut nassuiaat.

(Inatsisartut Siulittaasuat)

Immikkoortut marluk 158-imik aamma 159-imik normoqartut Naalakkersuisunit oqaluuserisassanut ilanngutsinneqarput. Immikkoortut taakku marluk ataatsimiinnissaq manna sioqqutitsiarlugu aatsaat tamanut saqqummiunneqarput.

Immikkoortoq 158: Uunga siunnersuut: Inatsisartutlov Qamutit motorillit akileraarutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx af xx. xxx 2019-imeersoq.

Immikkooortoq 159: Uunga siunnersuut: Nioqqutissanik eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq

Immikkoortut ullumi siullermeerneqassapput, aappassaaneerneqassapput pingajussaaneerneqassallutillu. Aappassaaneerinninnginnermi nukinginnartumik suliarineqarnissaat siunertaralugu immikkoortut siullermeerinninnermi Aningaasaqarnermut Akileraartarnermullu Ataatsimiititaliamit suliarineqartussanngorlugit innersuunneqarnissaat siunnersuutigineqassaaq.

Immikkoortut uku 2020-mi upernaakkut ataatsimiinnissamut kinguartinneqarput:

Immikkoortoq 138: Kinguaassiuutitigut meeqqanik atornerluisoqarsimatillugu pineqaatissiisarnerup sakkortusinissaanik Nunatsinni unnerluussisussaataasut kaammattorneqarnissaat siunertaralugu Naalagaaffeqatigiinnermi oqartussaasut saaffigineqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut

Immikkoortoq 149: Politiit Paasiniaasartui (PET) pillugit inatsisip Kalaallit Nunaanni atulersinneqarnissaa pillugu peqqussummut missingiummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

Immikkoortoq 150: Kalaallit Nunaanni pinerluttulerinnermi inatsisip allanngortinneqarnera pillugu siunnersuummut missingiut pillugu Namminersorlutik Oqartussat akuersissuteqarnissaat pillugu inatsisartut aalajangiiffigisassaattut siunnersuut (Illoqarfimmi illuliorfiusimasumi illuinnarsuutininik eqqunngitsumik iginnerup pinerluutinngortinneqarnera, takunnissimasunik illersuinerup annertusinera, inip nakkutilliiffiusup atorneranut piumasaqaatinik iluarsineq il.il.)

Immikkoortoq 25: Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2019-imeersoq.

Aappassaaneerinninnissat pingajussaaneerinninnissallu maanna ataatsimiinnermi kingusinnerusumut kinguartinneqartussatut qinnutigineqartut nittartakkatsinni mailikkullu ingerlaavartumik nutarterneqartarput.

Maanna ataatsimiinnermi apeqquteqaat aallaavigalugu oqallisissiat sinneruttut ulloq 22. november oqaluuserineqartussanngortinneqarput, ullorlu taanna Inatsisartut ataatsimiittarfianni ataatsimiinneq kingusinnerpaamik nal. 17:00 naammassineqassaaq.

Apeqquteqaat aallaavigalugu oqallisissiat angumerineqanngitsut UPA 2020-mut kinguartinneqassapput.

Immikkoortoq 109 tunuartinneqarpoq ullumilu ataatsimiinnermi oqaluuserisassanit peerneqarluni.

Immikkoortoq 109: Kunngearfiup Danmarkip Issittoq Pillugu Periusissiaata 2011-2020-mut atuuttup taartissaata sularinerani Kalaallit Nunatta soqutigisai Issittumut tunngasut qitiutinneqarnissai qulakkeerniarlugit Naalakkersuisut danskit Naalakkersuisui saaffigissagai qulakkeerlugulu siunissami Kunngearfik sinnerlugu Issittumut Periusissiaqarnermi Naalakkersuisut ilusilersueqataasumik allaqataanissaat, sunniuteqaqataasumik piginneqataasumillu qulakkeerlugu Issittoq Pillugu Kunngearfiup periusissiaa Issittormiortaasunit ilusilersorfioqataasimasoq anguniarlugi Naalakkersuisut peqquneqarnissaannik Inatsisartuni aalajangiiffigisassaattut siunnersuut.

Ilaasortat uku akornanni taasisarnerit pillugit isumaqatigiissuteqartoqarpoq:

Stine Egede, Inuit Ataqatigiit aamma Anna Wagenheim, Demokraatit.

Aleqa Hammond, Nunatta Qitornai aamma Hans Enoksen, Parti Naleraq.

Aqqalu Jeremiassen, Atassut aamma Jens Danielsen, Siumut

Peter Olsen, Inuit Ataqatigiit aamma Kim Kielsen, Siumut.

Aqqaluaq Bilmann Egede, Inuit Ataqatigiit aamma Doris Jakobsen Jensen, Siumut.